



Ciao Amalia da «Ciao Babylon»

Amalia Malchiodi-Cadieli, la protagonista dal film «Ciao Babylon» è morta dacurt cun 90 onns.

11



«Emblidads da la ventira»

Rita Cathomas-Bearth davart l'exposiziun actuala en il Museum Retic a Cuiria.

12

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuiria, 081 544 89 10, redacziun@fmr.ch

■ ENGIADINA

Scuol suspenda, Valsot brich

(pl/nb) D'incuort han *Not Carl* ed oters abitants da Scuol publichà illas medias socialas ün text cul titel «Giavüsch da spostar la radunanza cumünala da Scuol dals 14 december». In quel text vegna argumentà chi füss in vista a la situaziun dal coronavirus irresponsabel da salvar radunanzas cumünalas causa il privel d'infeziuns. Quai ha persvas eir a la supranza da Scuol: Sco cha'l capo cumünal *Christian Fanzun* ha

dit, s'haja decis da spostar la radunanza da preventiv: «Il termin nun es amo cuntshaint, quai dependa co cha la situaziun as sviluppa.»

Pel capo cumünal da Valsot, *Victor Peer*, nu vain ün spostament da la radunanza cumünala da preventiv in dumonda. La radunanza a Valsot ha lö perquai sco previs in lündeschdi chi vain.

> PAGINA 7

■ SURSELVA



Giachen Mihel Nay ei morts il november 1920 en consequenza dalla gripa spagnola.

MAD

Dil scribent – miedi e pur

(fmr/hh) 100 onns suenter sia mort publichescha *Renzo Caduff* in'ediziun cun ovras da *Giachen Mihel Nay*. Il cudisch havess giu da vegnir presentaus dumengia proxima, mo pervia dil coronavirus ei la vernissascha spustada. En quell'ovra cun 270 paginas vegn buca mo il scribent trapassau a plaid, mobein era auters raquintaders. Aschia sedat ina buna cumparegliaziun dils temas descrets digl autur surtut en

fuorma da prosa. *Giachen Mihel Nay* ei staus in dils emprems auturs dalla prosa sursilvana. El ei buca mo staus scribent, mobein era miedi, pur e politicher. El ha recaltgau gronda popularitad entras sia tenuta professiunala e si'ovra litterara e vegneva era numnaus «il scribent dils purs». Propi enconuschents eis el vegnius cun «La vacca pugniera».

> PAGINA 5

■ GRISCHUN CENTRAL

Berther nov president

(fmr/gns) La davosa seduta da chest onn digl parlamaint digl cumegn da Vaz ò gia li an moda virtuala perveia dallas maseiras digl coronavirus. Mano chella ò per la davosa gEDA *Maurin Malär*, igl parsoura partent digl cunsegl communal da Vaz. I seia sto en onn fitg singular ed intensiv ò el detg, cun aveir gia li

plessas dallas 11 sedutas sen la veia virtuala e betg scu usito aint igl bietg communal. Successour da *Maurin Malär* davainta *Roland Berther*. El ò 53 onns, e commember dalla PCD locala ed el appartigna siva da dus onns agl parlamaint da Vaz.

> PAGINA 8

Il Grischun testa

Chantun e vischnancas sa preparan sin ils tests da massa – in deputà testà positiv a Tavau



In test da millis da questa fin d'emna – qua en occasiun dals tests da «prova» a Tavau tar radund 100 deputadas e deputads.

FOTO OLIVIA AEBLI-ITEM

DAVID TRUTTMANN/FMR

■ Il Grischun stat sut l'ensaina da tests da Covid-19. Il chantun e las vischnancas preparan var 20000 tests en il Grischun dal sid. Era deputadas e deputads han sa laschà testar a la sessiun.

Tar il test facultativ durant la sessiun speziala dal Cussegl grond a Tavau ha in deputà survegnì il resultat positiv. Tenor infurmaziuns dal president dal Cussegl grond, *Martin Wieland*, ha quel politicher bandunà immediat la sessiun ed è in quarantina. Insumma sa

prepara il chantun sin ina fin d'emna intensiva da tests. En il Grischun dal sid ha lieu quests dis ina gronda acziun da tests. En il rom d'in project da pilot po l'entira populaziun sa laschar testar gratuitamain tranter ils 11-13 da december en las vischnancas da las

trais regions Malögia, Bernina ed Engiadina/Val Müstair. Per pussibiltar ils radund 20000 tests dovri in dispositiv immens. Entretschads èn emploiads communal, pumpiers e persunal medicinal.

> PAGINAS 2 E 7

«I nu dà ün meglder mumaint per far la radunanza cumünala»

Il president communal da Valsot cun ina frasa remartgabla quests dis – Pagina 7

Il pursepen en finiastra



FOTO SUSI ROTHMUND

(fmr/sr) Igl ei advent (quasi) sco adina – cun decoraziuns, finiastras decoradas e glischs dapertut sin casas, plontas e pignola. En biars vitgs dalla Surselva envidan «finiastras d'avvent» decoradas cun inschign e carezia pil detagl da far ina spassegiada. La foto muossa ina da 24 «finiastras» a Castrisch. Mo mirei bein tgi che mira da finiastra ora. Pagina 3



Servetsch d'abunents e da distribuziun: tel. 0844 226 226 mail: abo@somedia.ch